

**PROGRAM RADA  
OPĆINSKOG NAČELNIKA  
za 2017.godinu**

**Sarajevo,decembar 2016.godine**

## I – UVODNI DIO

Programom rada Općinskog načelnika za 2017. godinu definišu se osnovni pravci djelovanja Općinskog Načelnika, odnosno lokalne izvršne vlasti za 2017. godinu.

Osnovni principi postupanja i rada u 2017. godini temeljiti će se na obavljanju i vršenju poslova iz domena lokalne samouprave definisanim Zakonom o principima lokalne samouprave u Federaciji Bosne i Hercegovine, izvršavanju zakona i sprovođenju općinskih odluka te što boljoj i kvalitetnijoj saradnji izvršne vlasti – općinskih službi/sektora sa Općinskim vijećem, institucijama i organizacijama, udruženjima i građanima naše Općine.

Rad Općinskog načelnika i općinskih službi/sektora u svojoj konačnici znači i djelovanje u interesu stanovništva Općine što podrazumjeva i visok stepen odgovornosti.

Po svom karakteru ovo je planski akt kojim se nastoje predvidjeti buduće aktivnosti i djelovanja s tim što njihova konačna realizacija, pored zalaganja i rada Općinskog načelnika, Općinskog vijeća kao i općinskih službi/sektora, u velikoj mjeri zavisi i od niza objektivnih okolnosti koje se vrlo često nisu u mogućnosti predvidjeti, a koje budu prisutne u periodu koji je pred nama.

Ovaj Program utemeljen je na određenim procjenama do kojih se došlo, prije svega, izvršenom analizom rezultata koji su ostvareni u dosadašnjem radu, Strategiji razvoja Općine, planiranom Budžetu Općine za 2017. godinu, kao i drugim elementima čije sagledavanje se nameće kao nužnost prilikom sačinjavanja dokumenta ove vrste i sadržine.

## II – OKVIRNI PLAN AKTIVNOSTI

U 2017. godini, kao što je činjeno i svih narednih godina, obezbjediti će se aktivno učešće Općine u postupcima donošenja zakonskih i podzakonskih akata i to na svim nivoima vlasti kroz davanje kvalitetnih sugestija, prijedloga i mišljenja na utvrđene nacрте i prijedloge određenih akata. Ovi poslovi će se raditi ili samostalno ili u saradnji i koordinaciji sa drugim općinama Kantona Sarajevo, Savezom općina i gradova Federacije Bosne i Hercegovine, a sve s ciljem rješavanja ključnih pitanja koja su bitna za funkcioniranje Općine kao jedinice lokalne samouprave, kao i za život i dobrobit svih njenih građana.

Nažalost, i u ovom momentu status Općine kao jedinice lokalne samouprave i s tim u vezi precizno definisanje njenih nadležnosti, još uvijek nije u potpunosti riješeno. U prilog ovoj tvrdnji je i činjenica da Zakon o principima lokalne samouprave u Kantonu Sarajevo još uvijek nije donesen, a pravo na lokalnu samoupravu kao ustavnu kategoriju, svedeno je na puko koncentrisanje poslova na ovaj nivo vlasti od strane viših nivoa vlasti. Stoga će se i u narednom periodu i dalje insistirati na poštivanju ustavnih principa, dosljednoj primjeni Evropske povelje o lokalnoj samoupravi, preciznom definisanju nadležnosti i određenju da je stvarna nadležnost tamo gdje su i finansijska sredstava. U vezi sa naprijed navedenim realna su očekivanja da će u toku 2017. godine Zakon o principima lokalne samouprave u Kantonu Sarajevo kao i drugi propisi iz domena rada i postupanja lokalne samouprave i s tim u vezi propisivanja i uređivanja određenih nadležnosti biti predmet razmatranja u koje postupke će se naša općina uključiti i u njima aktivno sudjelovati.

U domenu rada i funkcioniranja općinske uprave nastaviti će se aktivnosti na unapređenju normativnog uređenja djelatnosti iz nadležnosti općinskih službi i Općinskog načelnika. Paralelno će se nastaviti i poslovi na daljem poboljšanju organizacije i funkcioniranja općinskih službi, racionalizacije i efikasnosti rada općinske uprave te njenom materijalnom, tehničkom i kadrovskom jačanju.

Nastavit će se raditi na poslovima i projektima koji su započeti u 2016. godini, a paralelno s tim će se otpočeti i neki novi projekti i aktivnosti u oblastima u kojima je propisana nadležnost Općine kao jedinice lokalne samouprave, odnosno u kojima je izražen interes Općine.

Među najvažnijim investicionim projektima, koji će se nastojati realizirati u godini koja je pred nama, nalaze se sljedeći projekti:

- Izgradnja sportske sale Osnovna škola “Edhem Mulabdić” - ulica Konak
- Izgradnja podzemne garaže sa višenamjenskim trgom – Avdage Šahinagića
- Sanacija i asfaltiranje ulice Safvet bega Bašagića (I faza – od Tekstilne škole do ulice Alije Nametka)
- Sanacija i asfaltiranje ulice Muse Ćazima Ćatića
- Sanacija i asfaltiranje ulice Konak (I faza – dionica od crvenog mosta do OŠ “Edhem Mulabdić”)
- Sanacija i asfaltiranje ulice Iza Hrida – dio ulice (dionica : od “Parka prinčeva” do ulice Turbe
- sanacija i asfaltiranje ulice Huremuša, dionica od ulice Put mladih muslimana do raskrsnice sa Kamenicom

Kao i ranijih godina tako i 2017. godine ne očekuje se učešće drugih nivoa vlasti, odnosno dotacije drugih nivoa vlasti u mjeri u kojoj bi to bilo realno i neophodno tako da se planiranju svih kapitalnih projekata pristupa veoma oprezno, a u vezi sa finansiranjem istih imamo u vidu samo vlastita sredstva.

Rad na socijalnim projektima, poboljšavanje položaja mladih dodatno uređenje u uspostavi registra nekretnina i druga slična pitanja su ono čime će se općina baviti i u periodu koji je pred nama.

## **PALNIRANE AKTIVNOSTI PO OBLASTIMA**

### **III – OBLAST INVESTICIJA, PLANA I ANALIZE**

U oblasti investicija planirane su sljedeće aktivnosti:

- iniciranje i učestvovanje u izradi planova, programa i investicionih projekata od interesa za Općinu što podrazumjeva i obavljanje pripremnih radnji, pribavljanje i izrada potrebnih tehničkih podloga, izrada projektnih zadataka, koordinacija i saradnja sa projektantskim biroima i izvođačima radova prilikom realizacije projekata, investicija;
- saradnja sa nadležnim organima i institucijama, i to naročito sa: nadležnim ministarstvima, direkcijama, kao i općinskim službama/sektorima;
- **investicioni projekti, sanacije i asfaltiranje ulica**
  - izgradnja sportske sale OŠ “Edhem Mulabdić”
  - izgradnja podzemne garaže sa višenamjenskim trgom – Avdage Šahinagića
  - asfaltiranje igrališta OŠ “Edhem Mulabdić” , ulica Bistrik
  - sanacija i asfaltiranje ulice Safvet beg Bašagić – I faza

- sanacija i asfaltiranje ulice Muse Ćazima Ćatića
- sanacija i asfaltiranje ulice Konak – I faza
- sanacija i asfaltiranje ulice Iza Hrida – dio ulice
- sanacija i asfaltiranje ulice Huremuša, dionica
- sanacija i asfaltiranje ulice Kovači ( od česme – Muzeja Alija Izetbegović)
- sanacija ulice Franjevačka
- sanacija i asfaltiranje ulice Jekovac (od Nevjestine do Žute tabije)
- sanacija i asfaltiranje ulice M.M.Bašeskije (desna strana od trotoara do pijace Markale)
- i dr.

– **popločavanje (kaldrme, stepeništa)**

- ulica Mahmutovac, od broja 60 do broja 62 i od broja 20 do kraja kraka – stepenište
- ulica Begovac, od broja 34 do kraja ulice
- ulica Porčina, II dionica – nastavak,
- ulica Mačkareva, I dionica
- ulica tandareva
- ulica Bistrik gornja čikma
- i dr.

– **potporni zidovi**

- ulica Bistrik medrese, od broja 19 do broja 23
- ulica Bijela česma, kod broja 15 (kasarna Jajce)
- ulica Sulejmana Zolja, od broja 5 do broja 9
- raskršće ulica Pirin brijeg i Nerkesijina
- ulica Save Skarića
- ulica Obhodža do broja 81
- sanacija potpornog zida i platoa u ulici Dženetića čikma od broja 6 do broja 10
- ulica Ablakovina broj 18
- ulica Iza bašče do broja
- i dr.

– **ostali projekti u oblasti investicija**

- održavanje postojeće infrastrukture (manje intervencije)
- sanacija stambenih jedinica
- sanacija ploča na šetnicama (ulice: ferhadija, S.H.Muvekita i Jeliča)
- obnova kulturno historijskih spomenika
- i dr.

Kada je riječ o projektima izgradnje komunalne infrastrukture važno je napomenuti da je njihova realizacija uslovljena nizom faktora i okolnosti među kojima posebno treba istaći sljedeće:

složenost izrade projektne dokumentacije, duga procedura pribavljanja potrebnih administrativnih dozvola, specifične okolnosti kod realizacije izgradnje/izmjene vodovodne mreže kao i ograničeno vrijeme za izvođenje radova ove vrste. Sve ove okolnosti, pored čitavog niza drugih ne manje važnih okolnosti, moraju se imati u vidu prilikom planiranja ove vrste projekata.

#### IV – OBLAST KOMUNALNIH POSLOVA

U oblasti komunalnih poslova planirane su sljedeće aktivnosti:

- sagledavanje i praćenje stanja u komunalnoj oblasti;
- **vodovod i kanalizacija:**
- ulica Bakarevića 33, Požegina, Balibegovica i Višegradska kapija – II faza
  
- **praćenje i obrada klizišta na terenu u saradnji sa Službom CZ:**
- Nadlipe čikma do broja 23, Sedrenik od broja 138 do broja 146, Močila broj 45
  
- **rukohvati:**
- Grličića brdo, Kriva, Bostarići, Mala Berkuša, 10. Brdska brigada, Budakovića čikma, Ograda – mezarje Hendek, hendina, Braće Nuhić, Logavina
- sanacija i održavanje postojećih rukohvata
  
- **odbojne ograde:**
- Jarčedoli, Kriva, ulica Sedrenik, Zmajevac do broja 2, Obhodža između brojeva 8 i 10, Baruthana preko puta škole, Mahmutovac do broja 47, Paje malta iznad broja 20, Jarčedoli kod broja 61, Braće Nuhić kod broja 1, Sedrenik 139;
  
- **nabavka i postavljanje kanti za selektivni otpad;**
- ulica Ferhadija, Jelića, S.H.Muvekita i dr.;
  
- **izgradnja niša za smeće:**
- Iza hrida, Hošin brijeg – Tranzit, Pogledine kod broja 47, i dr.
  
- **uređenje javnih površina;**
  
- **izgradnja biciklističkih parkirališta na Bašćaršiji;**
  
- **nabavka i ugradnja slivnika, rešetki i poklopaca;**
  
- **horizontalna i vertikalna signalizacija:**
- Iza Hrida kod škole, Petrakijina – kod Bošnjačke gimnazije, u blizini OŠ na Sedreniku, Nalina kod škole, ulica S.B.Bašagića kod škole, i dr.

- **Sanacija javne rasvjete:**
- Iza Gaja od broja 34, Brusulje (Bijela okuka), Hladivode sokak, Obhodža-Lipe (izlaz na put za Pale), Streljačka broj 50, Donje Biosko – od Hladivoda do rezervoara, Donje Biosko, Naselje Čavljak, i dr.
- **poslovi na realizaciji javne rasvjete po zahtjevima MZ:**
- Nevjestina, Hadžišabanovića, Čeljigovići, Mahmutovac broj 150, Paje broj 18, Paje sokak broj 8, Mahmutovac broj 35, Bostarići gornja i donja čikma broj 18, Aščiluk, Iza Gaja;
- **aktivnosti na sprovođenju projekta numerisanja kuća na području općine;**
- **osvjetljenje na tunelu Višegradska kapija;**
- **uređenje Aleje Ambasadora (zidovi i ploče);**
- **i dr.**

## **V – OBLAST INSPEKCIJSKIH POSLOVA**

U oblasti inspekcijskih poslova planirane su sljedeće aktivnosti:

- **oblast građenja na području općine:**
- poslovi na kontroli građenja na području općine: po inicijativama – prijavama građana, mjesnih zajednica ili neposrednom kontrolom od strane urbanističko-građevinskih inspektora i to: bespravne gradnje, građenja objekata sa odobrenjima za građenje, fizičkog stanja objekata i dijelova istih;
- posovina na preuzetim predmetima iz kantona saraqjevo a koji su prenešeni u nadležnost općine a ranije su vođeni u okviru urbanističko – građevinske inspekcije Ministarstva prostornog uređenja i komunalnih poslova Kantona Sarajevo u skladu sa pozitivnim zakonskim i podzakonskim propisima;
- poslovi na okončanju inspekcijskog nadzora – postupka u slučajevima izvršenja mjera inspekcijskog nadzora;
- poslovi na provođenju postupka izvršenja rješenja inspekcijskog nadzora – postupka prinudnim putem što uključuje: sastavljanje lista objekata koji su predviđeni za rušenje prinudnim putem, planiranje izvršenja rješenja prinudnim putem u skladu sa ugovorom sa KJKP “Rad” a shodno Uputama za koordinaciju rada organa uprave i KJKP “Rad”, poslovi vezani za prinudno izvršenje, i dr.
- **oblast komunalnih djelatnosti na području općine:**
- poslovi na kontroli stanja iz oblasti komunalnih djelatnosti po inicijativama - prijavama građana, mjesnih zajednica ili neposrednom kontrolom od strane komunalnih inspektora ( koji su sada raspoređeni po mjesnim zajednicama) kao i komunalnih redara;
- permanentna saradnja sa kantonalnom komunalnom inspekcijom u nadzoru na zauzimanju javnih površina na području općine;
- i dr.

## VI – OBLAST PRIVREDE, POSLOVNIH PROSTORA, POLJOPRIVREDE I VETERINARSTVA

U oblasti privrede, poslovnih prostora, poljoprivrede i veterinarstva planirane su sljedeće aktivnosti:

- aktivnosti na dosljednoj primjeni i provođenju zakonskih rješenja u vezi sa provođenjem upravnih postupaka iseljenja korisnika poslovnih prostora koji poslovne prostore koriste suprotno zakonu i podzakonskom aktu – odluci;
- pojačana kontrola stanja i korištenja poslovnih prostora, kontrola stanja neaktivnih poslovnih prostora i slobodnih poslovnih prostora te sagledavanje stanja poslovnih prostora (premjer, etažiranje, skiciranje i dr);
- kontinuirana kontrola naplate zakupnina po osnovu korištenja poslovnih prostora uz prioritetan zadatak ispunjenja plana naplate zakupnina u skladu sa planom Budžeta za 2017. godinu;
- praćenje i naplata evidentiranih zaostalih dugovanja;
- pojačane aktivnosti na praćenju već utuženih zakupaca poslovnih prostora, kao i praćenje provođenja izvršnih presuda koje još uvijek nisu provedene;
- sačinjavanje programskih mjera i aktivnosti s ciljem dovođenja neuslovnih poslovnih prostora u funkciju;
- **oblasti poljoprivrede:**  
realizacija projekta Federalnog ministarstva poljoprivrede, vodoprivrede i šumarstva: upis u Registar poljoprivrednih gazdinstava i Registar klijenata (RPG i RK), plastenička proizvodnja, aktivnosti u oblasti voćarstva, stočarstva, pčelarstva i druge slične aktivnosti (Projekti: “Proizvodnja u plastenicima”, “Razvoj pčelarstva na području Općine Stari Grad Sarajevo, “Stimulisanje stočarske proizvodnje”, uzgoj jagodičastog voća, hortikulturno uređenje javnih površina na području Općine, i dr.);
- stimulisanje poljoprivredne proizvodnje (gljivarska proizvodnja, stimulisanje tradicionalnih načina proizvodnje i prerade, stimulisanje povrtlarske proizvodnje na otvorenom, ribarska proizvodnja, i dr);
- kontinuirana saradnja sa nadležnim institucijama, federalnimj i Kantonalnim Zavodima, Kantonom Sarajevo, FMPVŠ, Gradom Sarajevo, i sl.
- **aktivnosti u oblasti veterinarstva:**
- zdravstveni nadzor životinja;
- stimulacija ovčarske proizvodnje;
- saradnja sa Azilom za napuštene pse a što za svoj krajnji cilj ima uklanjanje pasa lotalica i smanjenje njihove populacije u skladu sa važećim propisima
- učešće u projektu sterilizacije pasa na području općine;
- i dr.

## **VII – OBLAST URBANIZMA I PROSTORNOG PLANIRANJA**

U oblasti urbanizma i prostornog planiranja obezbjedit će se, a kao i uvijek do sada, aktivno učešće Općine u prostornom planiranju sa nosiocima:

- izrade planova prostornog uređenja – Zavodom za planiranje razvoja Kantona Sarajevo;
- nosiocima pripreme – Gradskom upravom;
- i drugim subjektima planiranja;
- vršit će se praćenje stanja u oblasti urbanizma i sačinjavati prijedlozi i sugestije za određena poboljšanja u ovoj oblasti;
- i dr.

U planskim aktivnostima u oblasti urbanizama provodit će se aktivnosti na realizaciji Urbanističkog projekta “Hladivode” uz izraženo nastojanje da se oblast prostornog uređenja reguliše na način kako odgovara ambijentu i prostornim prilikama Općine.

## **VII – IMOVINSKO-PRAVNA I STAMBENA OBLAST**

U imovinsko – pravnoj oblasti planirane su sljedeće aktivnosti:

- praćenje stanja i problematike u oblasti propisa koji se primjenjuju u ovoj oblasti te davanje sugestija i prijedloga na nacрте i prijedloge zakona iz ove oblasti;
- pojačane aktivnosti na iznalaženju lokacija koje bi se putem konkursa mogle ponuditi na prodaju u skladu sa zakonskim i podzakonskim aktima koji regulišu ovu oblast;
- iznalaženje zakonske mogućnosti uknjižbe svih nekretnina koje predstavljaju vanknjižno vlasništvo Općine Stari Grad;
- aktivnosti na popisu cjelokupne pokretne i nepokretne imovine Općine – uspostava registra nekretnina a koje aktivnosti će se provoditi u saradnji sa drugim službama (privreda, urbanizam, investicije, općinsko pravobranilaštvo)
- pojačane aktivnosti na uklanjanju uočenih grešaka koje su nastale u postupku digitalizacije geodetskih podloga a u svrhu uspostavljanja jedinstvenog softvera koji objedinjuje alfanumeričke podatke sa grafičkim podacima;
- praćenje i primjena propisa u stambenoj oblasti i oblasti otkupa stanova;
- pojačan rad i aktivnosti na primjeni Zakona o prodaji stanova na kojima postoji stanarsko pravo (otkup nacionalizovanih/konfiskovanih stanova te stanove privatiziranih preduzeća kao i stanove za koje se utvrdi da je prodavatelj nepoznat);
- pripremne aktivnosti u vezi sa postupkom kompletiranja Zakona o prodaji stanova, i to dio koji se odnosi na zamjenske stanove;
- i dr.



## **VII – OBLAST OPĆE UPRAVE**

U oblasti opće uprave, pored redovnih poslova i radnih zadataka, naročita pažnja će se posvetiti sljedećim aktivnostima:

- stručne obuke i osposobljavanje matičara za vođenje matičnih knjiga (predviđene su edukacije matičara i ostalih službenika raspoređenih na poslove matičnog ureda). Edukacije će se odvijati u tri nivoa: unutar organa, edukacije koje vrši Kantonalni MUP i edukacije koje vrši Federalni MUP;
- poduzimanje posebnih mjera tehničke zaštite čuvanja matičnih knjiga i elektronskih podataka matičnog ureda a što predviđaju važeći zakonski podzakonski akti;
- iverigikijacija upisa u matičnim knjigama;
- kadrovsko, materijalno i tehničko jačanje ove oblasti;
- i drugo.

## **VIII – OBLAST OBRAZOVANJA, KULTURE I SPORTA**

U oblasti obrazovanja, kulture, sporta i lokalnog razvoja planirane su sljedeće aktivnosti:

### **Obrazovanje:**

#### **Predškolski odgoj i obrazovanje**

- sagledavanje stanja, praćenje i podsticanje aktivnosti iz oblasti predškolskog obrazovanja, te predlaganje mjera s ciljem unapređenja odgojno-obrazovnog rada u predškolskim ustanovama;
- utvrđivanje politike predškolskog odgoja i obrazovanja (obavezni i neobavezni);
- unapređenje rada predškolskih ustanova i kvaliteta usluga;
- praćenje, usklađivanje i provođenje reformi u predškolskom odgoju i obrazovanju u skladu sa zakonom;
- analiza stanja objekata i uslova rada predškolskog odgoja na lokalitetu Općine s ciljem poboljšanja kvaliteta usluga u predškolskim ustanovama;
- saradnja sa JU “Djeca Sarajeva” - vrtićima na području Općine i rad na edukativno propagandnim projektima;
- i drugo.

#### **Osnovni odgoj i obrazovanje**

- izrada Strategije razvoja u osnovnom odgoju i obrazovanju;
- sagledavanje stanja, praćenje i podsticanje aktivnosti iz oblasti osnovnog odgoja i obrazovanja;
- praćenje, usklađivanje i provođenje reformi u osnovnom obrazovanju u skladu sa zakonom;
- realizacija projekata u saradnji sa organizacijama civilnog društva s ciljem pružanja pomoći

- djeci s posebnim potrebama uključenoj u redovni odgojno-obrazovni rad;
- koordinacija i pružanje podrške Mobilnim timovima (defektolog, psiholog, pedagog, logoped, socijalni radnik) u zavodu “Mjedenica” i Centru “Vladimir Nazor” za pomoć djeci s posebnim potrebama uključenoj u redovni odgojno-obrazovni proces;
- učešće u realizaciji projekta inkluzije “Gledate nas, a da li nas vidite” u saradnji sa Savezom slijepih Kantona Sarajevo;
- učešće u realizaciji projekta inkluzije “Problem bijelog štapa” u saradnji sa Savezom slijepih Kantona Sarajevo i osnovnim školama na području Općine;
- aktivnosti u vezi s realizacijom polaganja eksterne mature na području Općine;
- praćenje upisa, uspjeha i vladanja djece kroz redovite izvještaje;
- aktivnosti u vezi sa realizacijom sljedećih projekata, kao npr. “Dobro došli đaci prvaci 2017.”, manifestacija znanja “Neum” 2017.godine, “Škola plivanja” za školsku 2016/17. godinu u saradnji sa JU Olimpijski bazen “Otoka”, projekat “Civitas”, historijski čas “Da se ne zaboravi Srebrenica”, projekat ispraćaja maturanata “Novi početak u vašem životu”, i drugi slični projekti i aktivnosti;
- opremanje škola neophodnim učilima;
- pripreme i realizacija općinskih takmičenja učenika osnovnih škola u saradnji sa Prosvjetno-pedagoškim zavodom iz nastavnih predmeta u skladu sa zakonom za školsku 2016/17. godinu;
- stipendiranje učenika i studenata u školskoj/akademskoj 2016/2017. godini;
- organizovanje i realizacija historijskog časa “Da se ne zaboravi Srebrenica”;
- organizacija i realizacija projekta razmjene učenika osnovnih škola iz Općine Stari Grad i Općine Karpoš – Skoplje (Republika Makedonija);
- i drugo.

## **Kultura**

- učešće u organizaciji tradicionalnih kulturnih manifestacija: Sarajevo film Festival, Bašćaršijske večeri, Sarajevska zima, MESS, Balet fest, Dani Krleže, Međunarodni festival folklora, Sarajevski dani poezije;
- organizovanje druženja učenika likovnih i eko sekcija osnovnih škola (“Boje jeseni” i “Miris proljeća”);
- manifestacija “Old timer” - doprinos realizaciji manifestacije;
- saradnja sa organizacijama civilnog društva u projektima iz oblasti kulture;
- i drugo.

## **Sport**

- aktivnosti na projektovanju sportskih i rekreacionih objekata;
- organizovanje rekreacije za sve dobne i polne strukture;
- sport invalidnih lica;
- sport u osnovnim školama;
- projektovanje i izgradnja sportskih i rekreacionih objekata (izgradnja sportske sale OŠ “Mula Mustafa Bašeskija”, projektovanje i izgradnja sportskih igrališta (Sportski centar “Bijela bašća” na području MZ “Medrese”, zaokruženje projektne dokumentacije za izgradnju velikog nogometnog terena u Kasarni “Faletići”);

- pomoć pri organizaciji sportskih takmičenja koje organizuju škole i nevladine organizacije;
- organizacija Lige osnovnih škola u malom fudbalu i Žensku odbojkašku ligu osnovnih škola Starog Grada;
- Organizacija Škole skijanja “Igman 2017”, početni kurs koji će besplatno obučiti 200 učenika osnovnih škola Starog Grada;
- organizacija sportskih manifestacija (Malonogometni turnir “Šehidima, poginulim borcima i RVI Stari Grad”, stonoteniserski turnir povodom Dana Općine, sportski susreti invalida Stari Grad povodom 25. novembra, Božićni turnir u malom nogometu, Sjećanje na Denisa Mrnjavca, i dr., malonogometni turniri, stonoteniserski turniri, Bajramski turnir, Božićni turnir, šahovski memorijal “Jedan je Hase”, i sl.);
- i drugo.

## **IX – OBLAST LOKALNOG RAZVOJA**

U oblasti lokalnog razvoja planirane su sljedeće aktivnosti:

- promocija potencijala za investiranje u Općinu (Vodić za investitore, jačanje komunikacije
- promocija raspoloživih programa sufinansiranja privrednika u svrhu zapošljavanja (edukacija građana za samozapošljavanje, realizacija Programa aktivnih mjera zapošljavanja, regresiranje kamatne stope<sup>4</sup> za privrednike, finansiranje start-up biznisa, prvo zapošljavanje mladih kroz Projekat “Zajedno za Općinu”, pružanje podrške teže zapošljivim kategorijama stanovništva, podrška OCD- ovima u dizajniranju trening čprograma);
- osnaživanje međuopćinske i regionalne saradnje kroz realizaciju zajedničkih projekata (sajam zanata i turističkih agencija s pobratimskim općinama , projekti za apliciranje na pozive međunarodnih organizacija);
- jačanje kapaciteta za saradnju sa organizacijama civilnog društva i mladima (objavljivanje i realizacija javnog poziva za projekte organizacija civilnog društva, odabir projekata organizacija civilnog društva i praćenje njihove realizacije, saradnja i jačanje kapaciteta omladinskih organizacija, pružanje podrške programima OCD-a, priprema i realizacija programa edukacije predstavnika OCD-a u oblasti pisanja i upravljanja projektnim ciklusom, i dr.);
- jačanje općinskih kapaciteta za pripremu i realizaciju projekata te priprema i realizacija projektnih prijedloga (godišnji programi edukacije uposlenika, priprema projekata u skladu sa PCM metodologijom, priprema i izrada projekta za unapređenje EE u obrazovnim institucijama, priprema i izrada projekta za obuhvat građana treće dobi, priprema i realizacija programa za kontakte sa investitorima (forumi, konferencije), izrada projekata za selektiranje komunalnog otpada, i dr);
- i dr.

## **X – OBLAST CIVILNE ZAŠTITE**

U oblasti civilne zaštite planirane su sljedeće aktivnosti:

- lična i uzajamna zaštita građana (edukacija građana kroz štampanje i plakatiranje prigodnih obavijesti i uputa za provođenje mjera i postupaka preventivne zaštite, prve pomoći, samopomoći, zbrinjavanja i druge hitne intervencije u zaštiti i spašavanju ljudi i materijalnih dobara);
- mjere zaštite i spašavanja (preventivne i operativne prirode);
- mjere na sklanjanju ljudi i materijalnih dobara u slučaju opasnosti;
- opremanje struktura civilne zaštite (opremanje Službe za protivpožarnu zaštitu “DVD Vratnik”, opremanje općinskog štaba CZ, opremanje Službe CZ i Operativnog centra, opremanje Službe za zaštitu od rušenja “Klico transgradnja”, opremanje Službe za obezbjeđenje i zaštitu “PS Stari Grad”, opremanje Službe za medicinsku pomoć “DZ Stari Grad”);
- praćenje ukupnog stanja zaštite i spašavanja na području općine;
- povećane aktivnosti na terenu i prikupljanju podataka o mogućim opasnostima po ljude i imovinu, mapiranje određenih izvora opasnosti i na osnovu istih poduzimati mjere preventivnog djelovanja;
- i dr.

## **XI – OBLAST BORAČKO-INVALIDSKE I SOCIJALNE ZAŠTITE**

U oblasti boračko-invalidske i socijalne zaštite planirane su sljedeće aktivnosti:

- poslovi na reviziji lične i porodične invalidnine od strane revizorskih timova Federalnog Ministarstva;
- implementacija novog programa po pitanju evidencije i obračuna korisnika prava u skladu sa zakonom;
- učestvovanje u određenim projektima, kao npr.: “Dani Općine”, obilježavanje značajnih datuma u periodu 1992.-1995.godina, državnih i vjerskih praznika;
- stipendiranje djece boračke populacije;
- saradnja sa boračkim organizacijama i udruženjima registrovanim na području Općine kao i poslovi na realizaciji javnog oglasa za finansiranje redovne djelatnosti boračkih udruženja;
- dodjela novčane pomoći – hedija šehidskim porodicama, RVI i demobilisanim borcima;
- pomoć socijalno najugroženijim kategorijama stanovništva u skladu sa važećim propisima;
- evidentiranje i rješavanje statusnih pitanja iz kategorije raseljenih lica;
- pružanje pravne pomoći kategorijama stanovništva iz ove oblasti;
- i drugo.

## **XII – ODNOSI SA JAVNOŠĆU I INFORMACIONI SISTEMI**

U oblasti odnosa sa javnošću i informacionih sistema planirane su sljedeće aktivnosti:

- nastavak saradnje sa medijima koji su u toku 2016. godine pratili rad Općine i izvještavali javnost o tome;
- informisanje javnosti kroz saradnju sa medijima;
- informisanje javnosti o radu Općine putem web stranice ( [www.starigrad.ba](http://www.starigrad.ba)) i FB profila;
- priprema i organizovanje pres konferencija, prezentacija, promocija i slično s ciljem informisanja javnosti o aktivnostima Općine;
- izrada biltena Općine “Starogradski haberi”, tromjesečno (4 puta godišnje), tiraž: 2000 komada (8000 na godišnjem nivou);
- upravljanje radom Info – press centra općine
- instaliranje novih sadržaja na web stranici Općine: [www.starigrad.ba](http://www.starigrad.ba);
- ažuriranje i održavanje kompletnih servisa (Facebook page Općine i Youtube profil);
- ažuriranje sadržaja na Intranet stranici;
- aktivnosti na brizi i evidenciji o poštovanju odredbi Ugovora o isporučivanju starogradskog suvenira “Sarajevska kocka”;
- izrada idejnih rješenja i proprema pozivnica, plakata (Dani Općine Stari Grad), zahvalnica, i sl.;
- poboljšanje i održavanje postignutog stepena funkcionalnosti servisa IT koji podržavaju poslovne procese u Općini;
- aktivnosti na tranziciji sa ISO 9001:2008 na ISO 9001:2015 standard ( recertifikacijski audit će se održati u toku mjeseca januara 2017.godine a što bi kao konačan rezultat trebalo imati sticanje certifikata ISO 9001:2015);
- i dr.

## **XIII – OBLAST MZ**

U oblasti mjesnih zajednica planirane su sljedeće aktivnosti:

- intezivna saradnja sa nadležnim općinskim službama na realizaciji planiranih projekata asfaltiranja, krpjenja udarnih rupa, sanaciji stambenih jedinica, i sl.;
- nastavak intezivne saradnje sa PS Stari Grad s ciljem povećanja stepena bezbjednosti građana, te podsticanje građana na učestvovanje u projektima “Nadziranje susjedstva”, “Rad policije u zajednici”, i sl.;
- saradnja (u granicama objektivnih mogućnosti) sa nadležnim Centrima za azile (provođenje akcije kastracije i smještaja agresivnih pasa);
- nastavak saradnje i koordinacije sa kuhinjom Crvenog križa, Narodnom kuhinjom “Stari grad”, općinskim Centrom za socijalni rad, Domom zdravlja Stari Grad i Centrom za mentalno zdravlje;
- animiranje djece i omladine da se kroz sportske i kulturno – zabavne aktivnosti preventivno djeluje na sprječavanju i širenju konzumiranja alkohola, opojnih droga, i sl.;

- provođenje adekvatnih aktivnosti po mjesnim zajednicama u saradnji sa NVO i udruženjima: sastanci, edukacije, pozorišne predstave, plesne škole, folklorne skupine, stolni tenis, i sl.;
- pojačane aktivnosti na daljem jačanju pomoći građanima i lakšem pristupu s ciljem rješavanja određenih pitanja iz nadležnosti Općine, kao i drugih nivoa vlasti;
- anketiranje građana po okončanju projekata;
- i dr.

#### **XIV – OBLAST REVIZIJE (INTERNA REVIZIJA)**

U Oblasti interne revizije (čiji je osnovni cilj unapređenje poslovanja Općine i to kroz sistem internih kontrola i s tim u vezi davanje neovisnih i objektivnih preporuka za ispunjavanje naprijed navedenog cilja) utvrđen je Godišnji plan interne revizije za 2017. godinu, a koji je izrađen na osnovu Strateškog plana interne revizije za period 2017. - 2019. godina. Na osnovu utvrđenog Godišnjeg plana utvrđena su i revizijska područja za 2017. godinu, i to:

- Usluge javnog odlašavanja – I kvartal
- Otprema pošte – II kvartal
- Navka – otkup zemljišta – III kvartal
- ugovorene usluge – IV kvartal
- 

Ostale planirane aktivnosti interne revizije su:

- praćenje ostvarivanja i ažuriranja Strateškog plana interne revizije za period 2017-2019. godina,
- praćenje ostvarivanja godišnjeg plana interne revizije za 2017. godinu,
- kontinuirano praćenje provođenja preporuka datih u izvještajima u obavljenim revizijama,
- pripremu i izradu Godišnjeg plana Interne revizije za 2018. godinu,
- stručno usavršavanje i permanentna edukacija iz svih oblasti vezanih za internu reviziju.

U 2017. godini interna revizija će naročito biti usmjerena na:

- osiguranje efikasne i učinkovite interne revizije u Općini,
- usklađivanje rada interne revizije sa zakonima o internoj reviziji, Etičkim kodeksom, Standardima i metodologijom rada koja proizilazi iz međunarodnih revizorskih standarda IIA, dobrim praksama država u okruženju i metodologijom rada koju je usvojila Centralna harmonizacijska jedinica (CHJ) i uputstvima Ureda za reviziju institucija BiH,
- pojačane aktivnosti na radu interne revizije u Općini,
- i dr.

## **XV – PRIJEDLOZI OPĆIH I POJEDINAČNIH AKATA, IZVJEŠTAJA I INFORMACIJA ZA OPĆINSKO VIJEĆE**

Planirane aktivnosti u segmentu predlaganja općih i pojedinačnih akata, izvještaja i informacijama u 2017.godini su sljedeće:

- Prijedlog Odluke o visini naknade za pogodnosti gradskog građevinskog zemljišta – rente na području Općine Stari Grad Sarajevo za 2017.godinu;
- Prijedlog Odluke o utvrđivanju visine naknade za građevinsko, poljoprivredno i gradsko građevinsko zemljište za 2017. godinu;
- Prijedlog Pravilnika o visini i načinu isplate jednokratne novčane pomoći porodiljama;
- Nacrt Budžeta Općine za 2018. godinu;
- Prijedlog Budžeta Općine za 2018. godinu kao i prijedlozi drugih pratećih odluka i drugih akata vezanih za proces budžetiranja;
- Prijedlog rebalansa Budžeta kao i Odluka o preraspodjeli sredstava (po potrebi);
- Izvještaji o relizaciji Budžeta Općine za 2017. godinu;
- Izvještaj o broju upisane djece u prve razrede osnovnih škola za školsku 2017/18. godinu;
- Informacija o izvršenim hitnim intervencijama na zgradama;
- Informacija o vršenju inspekcijskog nadzora u oblasti urbanizma i građenja;
- Informacija o stanju komunalne čistoće na području Općine;
- Informacija o aktuelnim pitanjima iz oblasti socijalne zaštite;
- Informacija o uspjehu i vladanju učenika na kraju prvog polugodišta školske 2016/17. godine, kao i na kraju školske 2017/18. godine;
- Informacije o provođenju općinskih odluka iz oblasti:
  - imovinsko- pravna oblast
  - stambena oblast
  - oblast poslovnih prostora
  - oblast urbanizma
  - oblast boračko-invalidske zaštite
  - oblast socijalne zaštite
  - oblast komunalnih djelatnosti
  - oblast inspekcijskog nadzora
  - oblast obrazovanja, kulture i sporta
  - oblast lokalnog razvojakao i sve druge oblasti na koje se odnose donesene općinske odluke;
- Informacija o pripremljenosti za zimsko održavanje saobraćajnica na području Općine Stari Grad Sarajevo;
- kao i drugi prijedlozi općih i pojedinačnih akata, izvještaja i informacija.

Naprijed pobrojane aktivnosti predstavljaju samo dio planiranih aktivnosti u ovoj oblasti. Najveći dio ovih aktivnosti bit će naveden u Programu rada Općinskog vijeća, u slučaju da se ukaže potreba određeni prijedlozi općih i drugih akata bit će predmet razmatranja Općinskog vijeća.

## **XVI – ZAVRŠNI DIO**

Pravni osnov za donošenje Programa rada Općinskog načelnika sadržan je u Statutu Općine Stari Grad Sarajevo i obavezi Općinskog načelnika da Općinskom vijeću prezentira svoje programske aktivnosti.

Programske aktivnosti Općinskog načelnika su planski akt i polazna osnova za izradu Programa rada Općinskog vijeća.

Po svom karakteru i sadržaju ovo je i okvirni akt koji će se kretati u okvirima objektivnih potreba i realnih mogućnosti Budžeta Općine Stari Grad Sarajevo za 2016. odinu.

U vezi sa naprijed navedenim Općinski načelnik prezentira Općinskom vijeću Stari Grad Sarajevo Program rada za 2016. godinu.

**OPĆINSKI NAČELNIK**

**mr. Ibrahim Hadžibajrić, s.r.**